

№ 87 (271) 24 ноября 1937 года

# Известия

Адрес: поселок Яр  
Удмуртская АССР  
Телефон № 48

УАССР, Ярысь ВКП(б) Райкомлэн но РИК-лэн органы.

Дуны: 5 копейка.

7-й арзэ потэ

## 12-тй декабре 1937 аре Верховной Советэ быр'ён нунал

### СССР-лэн Верховной Советаз быр'ён азелы образцво дачкомы

Сталинской Конституциез принять карем знаменательной нунал—5 декабрь матэ вуэ ни. Озы ик Верховной Советэ быр'ён исторической нуналозь—12 декабрь дас тямыс нунал кылиз на.

Соин ик, бырийскон нуналозь, 12 декабрь, ваньзэ избирательёсты Сталинской Конституциен, избирательной законэн но Верховной Советэ выдвинуть карем кандидат'ёсын мур-мур тодматоно.

Агитационно-массовой ужез избирательёс пöлын нуналымь нуоно, собере со валамон кылын мед луоз. Уноез агитатор'ес но пропагандист'ес сое валаса туж жутскем мылкыдэн но шумпотыса избирательёслы валэкто. Кылярьсь, басьтом Бачумово сельсоветысь НСШ-ысь учитель Ходырев эшез. Со Н-Сада колхозын колхозник'ес но колхозницаос пöлын „СССР-лэн Верховной Советаз быр'ён сярысь Положиениен“ избирательёсты тупен-тупен валэктыса занятие ортчыт'я.

Ходырев эш беседаосса мур но зеч дасясыкыса валамон кылын, наглядной пособиосты использовать карыса ортчытэ. Соин солэсь беседазэ кылскыны мöйыос но нылкышноос мылысь-кыдысь ветло.

Нош Н-Чура сельсоветысь Калинин нимо колхозын озычик öвöл. Соос избирательной законэз избирательёс пöлын изучать уг каро шуыса вераны уг луы, изучать каро, но туж урод, формаль-

но гинэ занятиос ортчо. Егит пиосты но ныл'ёсты сяна кружокысь нокинэ но уд адзы, мöйы калык отсы кыскымтэ, собере занятиос отвлеченно ортчыло. Сыче занятиос но кытсы но уг яра, со сямыз понна гинэ ужам луэ.

Озы ик Н-Чуриной избирательной участокын бырийскон нунал азелы туж урод дасясыко, избирательёслы помещениен туннэ нуналэ но номырин но украшати каремын öвöл, оборудовати карыны öз на кутскелэ.

Избирательёслэн списоксы—государственной документ сельсоветын кулэтэм бумагаез музэн ком'яса ошемын, собере алфавитэз но сураса гожтэмын.

Талэсь зеч ик Уканской избирательной участокын но уж öвöл пунктэмын. Избирательёслы вис'ям коркалэн пушкыз но петпалыз, туннэ нуналэ но голик на, лозунг'ес но плакат'ес ошылэмын öвöл.

Озы ик Дизьминской избирательной участокын но избирательёслэн списоксы алфавитсы сураса гожтэмын.

Быр'ён нунал кыдэкин öвöнь, вань тырмытэ но янгыш уж'ёсты, та матысь нунал'ёсын тупатоно.

Сталинской Конституциез но избирательной законэз одйг избиратель но тодытэк медам кылы. Агитационно-массовой ужез вылэ жутоно.

### Выдвинуть карем кандидат'ёсты бадзым шумпотонэн приветствовать каро

Районной предвыборной совещанилэсь решенизэ обсудити карон'я но Яр МТС-ысь ужасьёслэсь но служащойёслэсь озы ик Яр районьсь осоваиахимлэн советэзлэсь решенизэс обсудити карон'я финбанковской работник'еслэн 14-тй ноябре собранизы ортчиз.

Собраниян выступать карысьёс ваньзы ик Верховной Советэ депутатэ выдвинуть карем кандидат'ёсты приветствовать карыса выступать карызы.

Верховной Советэ депутатэ Барышников Степан Павлович, Аввакумова (Ившина) Анна Максимовна но Горшенин Павел Сидорович выдвинуть карем кандидат'ес милемлы туж умой кельшысь кандидат'ес луо шуыса соос веразы.

Таин чöш ик Сталинской Конституциез но избирательной законэз изучать карон пумысен ужез эшино но золгес умоятон шуыса соос ас собранизылэн резолюцияз гожтэмын.

Москваысь Лепсе нимо заводьсь рабочийёслэн, служащойёслэн но инженерно-технической ужасьёслэн 23-тй октябре трос калык'ем митингзы ортчиз. Собраниян бадзым жутскем мылкыдэн, Союзлэн Советаз калыклэсь яратоно вождызэс Сталин эшез депутатэ кандидатэн выдвинуть карон сярысь решение единогласно кутэмын вал.



Лепсе нимо заводлэн собраниез. Трибуна вылын бур паласен—А. П. Гвоздев стахановец вуж кадровой рабочий, Союзлэн Советаз депутатэ кандидатэн Сталин эшез выдвинуть карон сярысь со нырысьсэ ик предложение внести кариз.

### Национальностьёслэн Советазы быр'ён'я РСФСР-ысь 19 номеро Уфимской окружной избирательной комиссилэн Национальностьёслэн Советазы депутатэ кандидатэн

#### Павел Сидорович Горшенинэз зарегистрировать карон сярысь пунктэмэз

Национальностьёслэн Советазы депутатэ кандидатэн выдвинуть карем сярысь РСФСР-лэн 19 номеро Уфимской окружной избирательной комиссияз вуэм документ'ёсты эскерыса но представить карем материал'еслэн „СССР-лэн Верховной Советаз быр'ён'ес сярысь Положиениен“ 56, 57, 58, 59, 60 но 61 статьяосыныз быдэсак соответствовать каремзэс установить карыса, комиссия пунктэ:

— Уфа городлэн моторной заводьсытыз ужасьёслэн, служащойёслэн но инженерно-технической ужасьёслэн общой собраниенызы, Уфа городьсь 1 номеро хлебозаводьсь, Удмурт АССР-ысь Понинской льнозаводьсь ужасьёсын, Понино районьсь „Большевик“ колхозысь колхозник'еслэн но колхозницаослэн общой собраниенызы, куд'ёсаз 1778 мурт вал, но Осоваиахимлэн Всебашкирской с'ездэзлэн 45 сюрс член'ёсызлэн нимынызы Национальностьёслэн Советазы депутатэ кандидатэн Павел Сидорович Горшенинэз выдвинуть каремзэс, „СССР-лэн Верховной Советаз быр'ён'ес сярысь Положиениезлэн“ 60-тй

статьяеныз основать карыськыса, Национальностьёслэн Советазы депутатэ РСФСР-лэсь Уфимской избирательной округын кандидатэн баллотировать карыны зарегистрировать кароно.

Павел Сидорович Горшенин 1899 арын вордскемын. ВКП(б)-лэн членэз. Со СССР-ысь но РСФСР-ысь Осоваиахимлэн Центральной Советэзлэн председателэз луэ. Москваын улэ.

„СССР-лэн Верховной Советаз быр'ён'ес сярысь Положиениен“ 66-тй статьяеныз основать карыськыса, Горшенин Павел Сидорович эшлэсь кандидатуразэ Национальностьёслэн Советазы РСФСР-лэсь Уфимской избирательной округез'я избирательной бюллетене пыртоно.

Окружной избирательной комиссилэн председателэз—ДОЛГАНОВ

Председателэз воштысь—СПОРЫНИН.

Секретарез—АТНАКАЕВ.

Комиссилэн член'ёсыз: КРЮКОВ, САЙТБУРКАНОВА, СУХОВА, ИВАНОВ, ШИРОБOKOB.

## Анна Максимовна Аввакумова (Ившина)

Ярской избирательной округ'я Национальностьюёслэн Советазы депутатэ кандидатэ Ярской округной избирательной комиссиен зарегистрировать каремын

Пудем районн, Чупчы шурлэн бур палаз Белые Ключи (Учкакар починка) гурт сьлэ. Со гурт бадзым ик өвөл—ваньмыз дас корка гинэ. Азьвыл дыр'я, со гурт, куашкамын, туж начар гурт вал. Ваньмыз пöльсь юнгес ик одйгез хозяйство,—Ившин Максимлэн, Анна Максимовналэн айизлэн, туэ Пудем районьсь знатной ныл кышномуртлэн айизлэн юртэз начар вал. Солэн хозяйствоез урод сисьмем корка но зургетыса (скрипучий) жезы гинэ вал. Корказ кык пичиесь укноосыз, нош корка пушказ скамья но сэрегаз жöк сяна номыре но öй вал. Скал но вал басытон сярсь малпанэз ик öй вал—кынарзы öз сьзылы.

Пичиесь люкылэм кесэг'ес, Ившинлэсь бадзым семьяез сьудыны öз окмылы. Солэн пинал'ессыз, голикесь, дышетскымтэсь будылзы. Семьяез пыраксэ, көт тырымон сиськон öз шедьтылы. Соолэн хозяйствозы арлы быдэ юнгес куанермылйз. Тулыс но сизыль зор'есин пасесь липето корказы ву вияллыз.

Тросэз крестьянской хозяйствоез куанермылйзы, ичиз узьрмылйзы—сыче вал капитализмлэн волчий законэз!

1914 арын Ившин Максимез империалистической войнае нуизы. Семьяезлы соку бадзым курактон лыктйз. Семьяез куать пичиесь пинал'ес но 105 арес'ем пересь айызы кылиз. Трос синвуос кисьтйз соку соолэн куанер мумызы „Кулон но уг лыкты“ шуыса аэныз со трос куаретылйз. Сыче куанер удмурт семья пöлын 1914 арын Ившина Анна Максимовна вордскиз.

Анна Максимовналы пинал дырзэ ортытыны туж секыт вал. Пичиьсен солы урдсаз дэра сумка ошыса, пичи братамын но сузэр'есыныз гуртысь-гуртэ нянь кусок'ес кураса ветлоно луылйз. Кушманово, Озёрка но мукет гурт'есысь кулак'еснытй батрачить карыса со ветлылйз. Куссэ вельскыттытэк, уйиысен-уйинозь кулак'ес понна аралляз. Уд адзы вал Белые Ключи (Учкакар починка) гурт котырьсь сыче гурт'ес-ты, кудйз медам тодэ вал пичи Анналэсь жамырес ужась зарни киоссэ. Ужалляз чырмыт со, мөйнос кадь... но дунтэк, көт тырон понна гинэ. Анна Максимовналы пичиьсен дышетскыны быгатонлык öй вал.

Ар'ес ортчылзы. Великой Октябрь победить ке öй карысал, шулдыр но мусо улонэз адзем сярсь Анналы малпанэз ик öй вал. Азьвыл пачкаса улэм удмурт калыкез, со борды ик Анна Максимовнаез вераса соосты шулдыр счастливой, зажиточной колхозной улонэ, только совет-

ская власть но коммунистическая партия гинэ вуттйз. Аннаез советская власть будэтйз, дышетйз но воспитать кариз. Вьль улон гинэ, царизмен угнетать карем калык талантлэн бурной будонезлы паськыт сюрес усьтйз.

Жыт'есы 1931 арын Анна Максимовна, нош ик вылись аслыз тодмо Кушманово гуртаз ветлыны кутскиз. Табереяз только со кураськон сумкаен öз ни ветлы, со ветлыны кутскиз букварен, тетрадкаен но карандашен. Сизыллэн но толалтэлэн жыт'есаз Анна Максимовна школаын дышетскиз. Аслэсьтыз малпамзэ быдэтйз—грамотная со луиз. Со арын ик Анна Ленинской комсомолэ пыриз.



Комсомольская организация, Анна Ившиналы, бадзым положительной влияние сётйз. Со пумен общественной уж'есы активно кутскиз.

1932 арын, аслаз гуртаз колхоз кылдытон дыр'я Анна Максимовна отын активное участие принимать каре. Отын колхоз азьвыл но вал, сое кулак'ес куашкатйзы. Табере колхоз восстановить каремын — куашкатонтэм со юнмамын ни. Анна Максимовналэн айиз отын 1932 арысен колхозлэн председателез луыса ужа.

Вань мылкыдыныз по-ударному егит ныл бачкыз артельной уж борды. Нырьс нунал'есаз ик колхозэ пырыса, со ударницаен луиз. Колхозник'ес сое льноводной звеноен кивалтонэ быр'ё. Со довериез Анна Максимовна уж вылын оправдать каре. Анна Максимовна вала, что умой но добросовестно ужаса гинэ колхозлэн юнмамез но узыр улонэз пöрме. Колхозной производствон ударно ужамез понна Анна Максимовнаез троспол премировать карылзы. Солэн ужамезлэн пример'есыз'я, али дыр'я, колхозын нылкышноос ужын синмаськымон опыт'ес возьмато.

1934 арын Анна Максимовна колхозница - ударницаез сельсоветлэн членаз быр'ё. Котыкыче вопрос'есты решить карон борды визьмын

но валаса со кутске. Колхозник'ес но колхозницаос сое ярато, озьы визьмо ужамезныз со колхозник'еслы но колхозницаослы матысь советницаен луэ. Колхоз'есты организационно - хозяйственной юнматон бордын бадзым уж нуэ.

1935 арын Горбашевской сельсоветысь колхозник'ес Ившина—Аввакумоваез, асьсэлэн сельсоветазы председателе быр'ё. Колхозник'ес öз пöське асьсэлэн быр'еменызы. Со ужын егит крестьянской ныллэн бадзымесь быгатонлык'есыз возьматскизы. Со аслэсьтыз сельсоветсэ, котыма уж'ес'я но районнын нырьсь интые поттйз. 1936 арын сое куать толэзем советской ужасьесты дасян курсэ келяло. Курс бере көньяке толэзь райисполкомын инструктор луыса ужа.

Али дыре, Анна Максимовна, трос пöртэм уж'ес'я, Горбашевской сельсоветлэн председателез луыса, аслэсьтыз плодотворной ужзэ продолжать каре. Со бадзым авторитетэн аслаз сельсоветаз гинэ өвөл, быдэс Пудемской районьсь калык'ес азын яратоно бадзым авторитетэн пользоваться карыське.

Горбашевской сельсоветысь колхозник'ес культурно но зажиточно улыны кутско. Азьвыл куроен липем куанер Белые Ключи (Учкакар починка) Анна Максимовналэн родной гуртэз мукет тусэн учке ни табере. Горбашевской сельсоветысь трудящей калык'ес 100 процентлы коллективизировать карёмын. Табере соос паськытэсь колхоз о сыосыстызы бадзым колхозной урожай басыто. Вьль счастливой улон соос лэсьто. Дышетскымтэ но öжит дышетскем колхозник'ес али ваньзы дышетско. СССР-лэн Верховной Советаз быр'енэ образцово соос дасясько.

Удмуртиысь Совет'еслэн Чрезвычайной С'ездазы Анна Максимовнаез Удмуртилэн Центральной Исполнительной Комитетаз членэ быр'емын. Со почетной званизэ, Анна Максимовна оправдать карыса вылын нуллэ. Ившина эш бадзым политико-массовой уж нуэ, со Сталинской эпохась настоящей непартийной большевичка луэ. Колхозник'еслы но колхозницаослы Сталинской Конституциез но Избирательной законэз валэктоньн активной уж нуэ.

Ившина Аввакумова удмурт калыклэн верной нылыз луэ. Азьмынысь колхоз'есысь колхозник'ес но колхозницаос Ярской избирательной округ'я СССР-ысь Национальностьюёслэн Советаз депутатэ кандидатэнь выдвинуть карызы. Со аслаз бадзым уженыз, вань аслаз улэменыз со калыклэсь величайшой довериез заслуживать каре.

Ворцинской избирательной участоклэн политико-массовой но агитационной уж'ес нунылы пятидневкалы тупатэм планэз

22-тй ноябре жытазе

Вань колхоз'есын, СССР-лэн Верховной Советаз депутатэ выдвинуть карем кандидат'еслэн биографисынызы избирательесты тодматон пумысен, общей собраниос ортчытоно.

Собраниясты ортчыто:

Чапаев нимо колхозын — А. ДРЯХЛОВ, „Т-Ворца“ колхозын — БАЖЕНОВА но АРАСЛАНОВ, „Малиновка“ колхозын — ДАНИЛОВ, „Рябиновка“ колхозын — ДАНИЛОВ Ф. Ф., Етйн заводын — НИКИФОРОВ Н. Я.

22-тй ноябрь

Плакат'ес, лозунг'ес гож'яса соосты вань общественной интыосы, МТФ-е, СТФ-е конной двор'есы, склад'ес борды, но ульчаосы лякытоно,

Со ужез прикрепить карем дышетйсьес старшой классын дышеткись пинал'ес ортчыто.

23-тй ноябрь жытазе

Вань колхозной бригадасын избирательной закон'я кружковой занятнос ортчытоно.

Кружок'есты ортчыто:

Кружок'есын кивалтонлы юнматэм мурт'ес (дышетйсьес).

24-тй ноябрь жытазе

Ваньмаз колхоз'есын, егит'есын (молодежи) собраниос ортчытоно.

Собраниясты ортчыто:

„Чапаево“, „Рябиновка“ но „Т-Ворца“ колхоз'есын — ДРЯХЛОВ но БАЖЕНОВА, „Малиновка“ колхозын — ДАНИЛОВ Н. И. но ДАНИЛОВ Ф. Ф.

24-тй ноябрь

Вань колхоз'есын, колхозной но бригадной борд газет'ес поттоно.

Борд газет'ес поттонэн юнматэм дышетйсьес, бригадир'ес но колхоз'еслэн председател'ессы кивалто.

25-тй ноябрь жытазе

Дас коркалы люкылэм агитатор'есын семинар ортчытоно. Семинарез ДРЯХЛОВ ортчытэ.

26-тй ноябрь нуназе

Быдэс избирательной участокысь люкаса, пересь кышноосын но пересь старик'есын собрание ортчытоно.

Собраниез ДРЯХЛОВ но ФЕДОТОВ эш'ес ортчыто.

Ворцинской избирательной участоклэн доверенноез

— А. К. ДРЯХЛОВ.

Отв. редактор П. Поздеев.